

III. Accípite scapuláre devotórum B. Mariæ Virg. sine labe concéptæ, ut ejus intercessióne ab omni inquinaménto mundáti ad vitam perveniátis ætérrnam.

IV. Accípite hábitum servórum B. Mariæ Virg. septem dolóres ejus devóte recoléntium, ut dolóres ipsos assídue recogitántes, pássio D. N. Jesu Christi sit in corde et córpore vestro.

Ego ex facultáte apostólica mihi delegáta, recípio vos in participatióne bonórum spirituálium et Indulgentiárum, quibus prædicti Ordines seu Congregatiónes pollent. In nómine Pa ✠ tris, et Fí ✠ lii, et Spíritus ✠ sancti. Amen.

℣. Salvos fac servos tuos.

℞. Deus meus, sperántes in te.

℣. Mitte eis auxiliúm de sancto.

℞. Et de Sion tuere eos.

℣. Esto eis, Dómine, turris fortitudinis.

℞. A fácie inimíci.

℣. Nihil proficiat inimícus in eis.

℞. Et filius iniquitátis non appónat nocere eis.

℣. Dómine, exáudi oratióne meam.

℞. Et clamor meus ad te véniat.

℣. Dóminus vobíscum. ℞. Et cum spíritu tuo.

Orémus.

Adésto, Dómine, supplicatióne nostris, et quibus in tuo Nómine sacros hábitus imposúimus, ita bene ✠ dicere dignéris, ut tuæ grátie cooperántes, vitam cónsequi mereántur ætérrnam. Per Christum Dóminum nostrum. ℞. Amen.

Benedíctio Dei omnipoténtis Pa ✠ tris, et Fí ✠ lii, et Spíritus ✠ sancti, descéndat super vos et máneat semper. Amen.

Si plures sint omnes primo induantur, deinde formula pronuntietur super omnes simul.

BENEDICTIONES NOVISSIMÆ.

Benedictio bombycum.

Adprobata pro Archidiœcesi Lugdunensi.

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum. ℞. Et cum spíritu tuo.

Orémus.

Deus, ómnium creátor et rector, qui in animalium creatiÓne símilis suæ speciéi propagándæ virtútem contulísti, quæsumus, ut hæc bombycum sémina bene ✠ dicere, fovère ac multiplicáre tua pietáte dignéris, ut sancta altária tua, eórum opéribus adornáta, et fidéles tui eisdem fulgéntes, te, uti bonórum ómnium largitórem, toto corde gloríficent: qui cum Unigénito tuo et Spíritu sancto vivis et regnas in sœcula sœculórum.

℞. Amen.

Deinde adspargantur aqua benedicta.

Benedictio cinguli

quod gestatur in honorem B. M. V. vel alicujus Sancti.¹⁾

℣. Adjutórium nostrum in nómine Dómini.

℞. Qui fecit cœlum et terram.

℣. Dóminus vobíscum. ℞. Et cum spíritu tuo.

Orémus.

Dómine Jesu Christe, béne ✠ dic, quæsumus, hoc cingulum, et præsta, ut qui (vel quæ) illud gestáverit, Beatíssimæ Vírginis Matris tuæ

¹⁾ Qui tamen Albo Sanctorum a Sede Apostolica adscriptus sit.

(vel Sancti N., seu Sanctæ N.) protectione munitus
(vel munita) ab omnibus periculis defendi, atque
animæ et corporis sanitatem percipere mereatur.
Qui vivis et regnas Deus in sæcula sæculorum.

R. Amen.

Deinde Sacerdos adspargat aqua benedicta.

Benedictio vini pro infirmis.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum. R. Et cum spiritu tuo.

Orémus.

Domine Jesu Christe, Fili Dei vivi, qui in Cana
Galilææ ex aqua vinum fecisti; bene ✠ di-
cere et sanctificare digneris hanc creaturam vini,
quam ad sustentationem servorum tuorum tribuisti;
ut ubicumque fustum fuerit, vel a quolibet potatum,
divina opulentiæ tuæ bene ✠ dictione repleatur.

Omnipotens sempiternus Deus, salus æterna cre-
dentium, exaudi nos pro famulo tuo infirmo
(vel famula tua infirma, seu famulis tuis infirmis,
si fuerint plures), pro quo (vel pro qua, sive pro qui-
bus) misericordiæ tuæ imploramus auxilium; ut,
reddita sibi sanitate, gratiarum tibi in Ecclesia tua
referat (vel referant) actiones. Per Christum Do-
minum nostrum. R. Amen.

Benedictio domus scholarum.

Sacerdos ingrediens adspargat cubicula aqua benedicta, dicens:

V. Pax huic domui.

R. Et omnibus habitantibus in ea.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

Domine Jesu Christe, qui Apóstolis tuis præ-
cepisti, ut in quamcumque domum intrarent,
pacem illi adprecarerentur, sancti ✠ fica, quæsumus,
per ministerium nostrum hanc domum pueris] (vel
puellis) educandis destinatam; effunde super eam
tuæ bene ✠ dictionis et pacis abundantiam, fiat eis
salus, sicut domui Zachæi, te intrante, facta est;
manda Angelis tuis, ut eam custodiant, et ab ea
omnem inimici repellant potestatem; reple docen-
tes in ea spiritu scientiæ, sapientiæ et timoris tui;
discentes cœlesti gratia fove, ut quæ salutâriter
edocentur, intellectu capiant, corde retineant,
opere exsequantur; atque omnes habitatores ejus
virtutum omnium operibus tibi placeant, ut in
æternam domum in cœlis aliquando recipi mere-
antur. Per te, Jesu Christe, Salvator mundi, qui
vivis et regnas Deus in sæcula sæculorum.

R. Amen.

Benedictio uvarum.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

Bene ✠ dic, Domine, hos fructus novos vineæ,
quos tu rore cœli, et abundantia pluviarum,
et temporum serenitate atque tranquillitate, ad
maturitatem perducere dignatus es, et dedisti eos

ad usus nostros cum gratiarum actione percipere in nomine Domini nostri Jesu Christi, qui tecum vivit et regnat in unitate Spiritus sancti Deus, per omnia secula seculorum. *R.* Amen.

Deinde adspargat aqua benedicta.

Benedictio aquæ
in honorem sanctæ Adelhaidis.

Adprobata pro Archidiaecesi Coloniensi.

V. Adjutorium nostrum in nomine Domini.
R. Qui fecit cælum et terram.
V. Sit nomen Domini benedictum.
R. Ex hoc nunc et usque in sæculum.
V. Dominus vobiscum.
R. Et cum spiritu tuo.

Orémus.

Fidélium Deus omnium fortitudo et salus, qui socrum beati Petri Apóstoli tui magnis febribus detentam, pio motu rogationis affectu sanasti: sancti ✠ fica et béne ✠ dic creaturas has (panis et) aquæ tuo sanctissimo nomine, et méritis sanctæ Adelhaidis Virginitatis, quam, spreto sæculo, servitio tuo glorióse mancipare dignatus es: præsta ejúsdem intercedentibus méritis, ut quicumque morborum vexationibus gravantur, per hujus (panis et) aquæ sumptionem humilem a cunctis animæ et corporis languoribus liberentur, atque incólumes Ecclesiæ tuæ repræsentari mereantur, ut gratiarum in ea tibi júgiter referant actiones. Qui vivis et regnas. *R.* Amen.

Orémus.

Benedic ✠ Dómine méritis sanctæ Adelhaidis creaturas has (panis et) aquæ, qui glorióso cor-

pore tuo benedixisti aquas Jordánis et panes in deserto, ac præsta, ut omnes gustantes ex ea tam corporis, quam animæ recipiant sanitatem. Qui vivis et regnas.

V. Ora pro nobis, sancta Adelhaidis.

R. Ut digni efficiamur promissionibus Christi.

Orémus.

Concède quæsumus, omnipotens et misericors Deus, ut per virtutem benedictionis hujus aquæ (et panis) et per méritum passionis Domini Nostri Jesu Christi et per intercessionem beatae Virginitatis Mariæ ac sanctæ Adelhaidis et omnium Sanctorum omnes fideles, qui pie ac devóte aquam istam gustaverint, animæ et corporis sanitatem recipere valeant, ac in tuo servitio semper permanere. Per Dóminum nostrum. *R.* Amen.

Benedictio Dei omnipotentis Pa ✠ tris et Fi ✠ lii et Spiritus ✠ sancti descendat super hanc aquam et maneat semper. *R.* Amen.

Adspargatur aqua benedicta.

Modus benedicendi aquam
in honorem sancti Willibrordi.

Adprobatus pro Archidiaecesi Coloniensi.

V. Adjutorium nostrum in nomine Domini.
R. Qui fecit cælum et terram.

Exorcismus prædictæ aquæ.

Exorcizo te, creatura aquæ per Deum vivum ✠ per Deum verum ✠ per Deum sanctum, ✠ ut fieri valeas remedium salutis animæ et corporis per eum qui venturus est judicare vivos et mortuos et sæculum per ignem.
R. Amen.

Orémus.

Benedic ✠ Dómine hanc aquam advérsus humáni géneris inimicum et super eam Spíritum sanctum tuum mitte, ut armáta coelésti virtúte gravíssimum persecuátur inimicum vel morbum et cunctis suméntibus proficiat ad salútem. Per Dóminum nostrum. *R.* Amen.

Orémus.

Benedic ✠ Dómine omnipotens has aquas, quas ad usum géneris humáni, ad abluéndum ómnium peccatórum crímina præstitísti, ut invocáto super eas nómine sancto tuo, ubicúmque adspérsæ fúerint vel potátæ, salutáris tui munus inviolábile per has aquas tribuátur, et omne, quod sórdidum est, effugétur, et tuæ pietátis beneficio in ómnibus præstétur sánitas córporis et ánimæ per eum, qui ventúrus est judicáre vivos et mórtuos et sæculum per ignem. *R.* Amen.

Orémus.

Benedic ✠ Dómine sancte Pater, hanc creatúram aquæ, ut sit remédium humáno géneri ad ómnia mala córporis et ánimæ tollénda et ómnia nóxia inimíci expellénda, et præsta in ea per invocatió-nem sanctíssimi nóminis tui tutelam mentis et córporis. Per Dóminum nostrum. *R.* Amen.

Orémus.

Deus, qui in diversárum natiónum pópulis præ-cláros veræ fidei constituísti propagatóres: concéde quæsumus; ut omnes, qui ad sanctíssimi Doctóris nostri Willibrórdi patrocínia confúgiunt, præsentis incolumitátis prosperitátisque gáudium et futúre beatitúdinis glóriam consequántur. Per Dóminum nostrum. *R.* Amen.

Benedíctio Dei ✠ Patris et Fílii ✠ et Spíritus ✠ sancti descéndat super hanc aquam et máneat semper. *R.* Amen.

Dein adspérgatur aqua benedicta.

**Benedictio aquæ
in festo Lanceæ et Clavorum Domini.**

Adprobata pro Archidiaecesi Coloniensi.

V. Adjutórium nostrum in nómine Dómini.

R. Qui fecit cælum et terram.

V. Dóminus vobíscum. *R.* Et cum spíritu tuo.

Orémus.

Dómine Jesu Christe, qui pro salúte mundi passus es de corde tuo aquam et sánguinem per lanceam mílitis emanáre: concéde propítius; ut præsens aqua hujus sacræ lanceæ tactu benedicátur ac sanctificétur, ut sit ómnibus suméntibus salus ánimæ et córporis, et ubicúmque fúerit adspérsa, per sanctíssimæ Passiόνis tuæ invocatió-nem omnis infestáto immúndi spíritus abigátur infirmitásque procul pellátur, sánitas mentis ac córporis tribuátur per te, Salvátor mundi, qui vis et regnas Deus per ómnia sæcula sæculórum.

R. Amen.

Imponitur Reliquia S. Lanceæ in aquam dicendo:

In nómine Patris et Fílii et Spíritus sancti. Amen.

Iterum cum Reliquia S. Lanceæ efformet crucem per aquam.

Sancti Huberti benedictio.

Adprobata pro Archidiaecesi Coloniensi.

Petentes benedictiones conferunt *panem et aquam*, et Sacerdos stola indutus hæc benedicit coram expositis reliquiis, ut infra sequitur: dein benedicuntur et ipsi petentes, prout etiam inferius